

清代
筆記
叢刊

熙朝
新語

徐錫麟著

四

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

熙朝新語卷十三

清 吳郡徐錫齡厚卿輯

乾隆三十六年。皇太后八旬萬壽。賜三班九老宴遊香山。次日。命畫工艾啟蒙繪圖。文職九老。顯親王衍璜。恒親王崇志。大學士劉統勳。協辦大學士官保。吏部尚書託庸。戶部尚書素爾訥。刑部尚書楊廷璋。刑部侍郎吳紹詩。工部侍郎三和。武職九老。都統四格。曹瑞。散秩大臣國多歡。甘都。副都統伊崧阿。薩哈岱。李生輝。富僧阿。色瑞察。致仕九老。刑部尚書銜錢陳羣。內大臣福祿。禮部尚書陳惠華。兵部侍郎彭啟豐。禮部侍郎銜鄭一桂。副都御史呂熾。內閣學士陸宗楷。詹事府詹事陳浩。國子監司業銜王世芳。此 國家 崇禘之曠典。亦山靈未有之奇遭也。

乾隆十三年九月。上御集鳳軒。侍衛於大西門樓校射。上親發二十矢。中十九矢。有集鳳軒紀事詩勒石。齊 召南大西門觀 御射恭紀詩云。曠曠初日照西山。百尺樓開紫翠間。御苑經寒欣草淺。秋風講武值農閒。虎熊的畫君臣鵠。鴻鷺分左右班。何幸此時叨侍從。大弓親覩 至尊彎。侍臣如堵並呼嵩。巧力分明不可同。容節中和 天子射。弛張高下 聖人弓。曾聞作賦誇雙兔。更說題詞數六熊。何似

我 皇能百中。閒臨豐相教羣工。

御園十種蒲桃。一伏地公領孫。二伏地黑蒲桃。三伏地瑪瑙蒲桃。四哈密公領孫。五瑣瑣蒲桃。六哈密綠蒲桃。七哈密紅蒲桃。八哈密黑蒲桃。九哈密白蒲桃。十馬乳蒲桃。翰苑諸臣時蒙 恩賜。恭紀詩甚多。不及備錄。

康熙中。欽定古今圖書集成一萬卷。凡三十二典。曰乾象典。歲功典。歷法典。庶徵典。坤輿典。職方典。山川典。邊裔典。皇極典。宮闈典。官常典。家範典。交誼典。氏族典。人事典。閏媛典。藝術典。神異典。禽蟲典。草木典。經籍典。學行典。文學典。字學典。選舉典。銓衡典。食貨典。禮儀典。樂律典。戎政典。祥刑典。考工典。每典復分門類。共六千一百九部。計書五百二十函。又目錄二函。年久銅字殘缺過半。乾隆三十八年。易以木字。印四庫書應刊樣本。賜名聚珍板。有 御製詩。

乾隆三十八年奉 旨特開四庫全書館。翰林院為辦理處。武英殿為繕寫處。自

殿板館書外。詔徵天下遺書。共一萬三千七百二十五種。舊存明代永樂大典。

殘缺幾半。命詞臣分類纂出整書八十五種。散片二百八十四種。分存書存目二項。纂輯提要。以該一書大旨。按序輪進。書之佳者。皆蒙 御製題詞。以冠簡首。其四

部條目。與前代稍異。經部十類。曰易。曰書。曰詩。曰禮。曰春秋。曰樂。曰孝經。曰四書。曰總經解。曰小學。易類別卜筮。入子部。術數禮類。別歷代儀注。入史部。故事。樂類別宮調。絲竹譜。小學類別八法。俱入子部。藝術。史部十五類。曰正史。曰編年。曰詔令奏議。曰別史。曰雜史。曰傳記。曰史鈔。曰載記。曰故事。曰時令。曰地理。曰職官。曰政書。曰目錄。曰史評。雜史類別瑣碎記錄。入子部。小說。雜家。子部十四類。曰儒家。曰兵家。曰法家。曰農家。曰醫家。曰天文算法。曰術數。曰藝術。曰譜錄。曰雜家。曰類書。曰小說。曰釋家。曰道家。集部五類。曰楚詞。曰別集。曰總集。曰詩文評。曰詞曲。其編錄敘次。遵奉諭旨。經首易注。史首史記。子首老子。集依時代。而聖祖世宗皇上御製集。冠於本朝。集首。每庫繕寫四分。倣浙江范氏天一閣式。建文淵文源文津文溯四閣貯之。並有御製記。又擇其精醇為薈要。計全書三之一。繕寫二分。一藏大內。一藏圓明園。凡編錄十三年竣事。四庫共存書三千四百六十種。計七萬五千八百五十四卷。輯簡明目錄。以便稽覽。底本仍貯翰林院內。此古今來未有之大觀也。

乾隆甲子。御製貢院詩。有從今不薄讀書人。言孔孟言大是難之句。一時士林傳誦。為之感泣。張南華鵬。和詩云。添得青袍多少淚。百年雨露萬年心。蓋紀實也。

乾隆二年。命易益國子監。大成殿屋瓦改用黃瓦。乾隆三十年。欽頒禮器犧尊雷一紋壺一。子爵一。內言卣一。康侯鼎一。盟簋一。雷紋觚一。召仲簋一。素洗一。犧首鬯一。皆周時法物。命陳設殿庭。

乾隆五十年。建璧雍宮於國子監集賢門內。宮四面出向周以環池。有橋四。前有碑亭二。是年二月上。高宗親行釋奠。臨雍講學。舉行盛典。有御製國學新建辟雍園水工成碑記。御製上丁釋奠後臨新建辟雍講學詩四首。御製三老五更說。皆勒石。諸臣皆有聖主臨雍禮成恭紀詩。

乾隆九年。詔編內廷祕笈。為天祿琳琅。乾隆四十年。重為補綴。以經史子集為綱。以宋金元明刊版朝代為次。其一書而載數本。用遂初堂書目例。詳其題跋姓名。收藏印記。兼用鐵網珊瑚例。至各冠御題品評甲乙。則自來冊府儲藏。未聞斯盛矣。襲封簡親王德沛貝子福存之子。應襲封鎮國將軍。讓與從子。而已託疾入山讀書。世宗朝。召見問所欲。曰。願得側身孔廟。分特豚之饋。世宗重之。授兵部侍郎。高宗登極。遷湖廣總督。調任江南。尋內擢尚書。襲封簡親王。常詣成均。講大學。橋門俯聽者千餘人。皆悅服。助教河間王仲穎之銳前。曰。猶未盡。王請益。曰。自天子以

至於庶人一節。聖經畢矣。其本亂以下數語。乃重申之。以見吾儒所以異於二氏之義。王欣然揖謝。賢王之虛己好學。從可想見矣。

崑山朱以載厚章。天資超絕。五官並用。嘗於座間手錄孝子傳。而令二人左右隅坐。各操紙筆。口授令書。一成駢體序文。一成長律。已而各書竟。合座傳觀。詩文俱工。所錄孝子傳。精楷無一訛字。真奇才也。著有多師集。

丹徒余文圻京工詩植品。沈歸愚宗伯與訂車笠交。柏鄉魏念廷觀察愛其詩。欲令往見。文圻曰。往役義也。以詩為羔雁。非禮也。卒不往。以布衣終。著有江干詩鈔。

元和蔣震牧曾榮。有至性。父子宣病。肢體卷曲。中夜含淚拊摩。跪中庭籲天求代。風露所侵。得濕氣病。又迎醫至數百里外。觸炎暑。犯霜雪。如是者數載。竟以瘵疾卒。士林以其少年死孝。咸惋惜焉。

錢唐諸生徐爾熾之配汪氏。年二十二。歸於徐。事舅姑。以孝聞。甫七月而夫卒。汪誓欲殉。維經者再。繩輒中斷。將自剄。小婢瞞知之。以告舅姑。亟救之。時汪已孕四五月矣。舅姑諭以宗祀為重。乃泣受命。閱五月。遺嗣維康生。及長。躬親課讀。維康有聲庠序。娶婦藍氏。七年。甫有娠。而維康遺疾。藍禱於神。請以身代。剜臂肉以和藥。卒罔效。

藍絕粒欲死姑從容諭之曰余延未亡之命以至於今為遺嗣故也汝歸我家七年未生子今復有娠若男也則徐氏血食又綿延矣語未竟婦姑皆哭失聲踰三月而生子承恩家益落藍養姑訓子衣食膏火之資盡給於十指間因積勞成疾汪六十歲卒守節四十四年藍五十八歲卒守節三十年承恩既成立白於有司請旌如例杭人至今稱徐氏兩世遺腹不絕如綫實有天幸傳曰明德之後必有達人吾知其嗣之必昌矣

會稽吳鑑南璜徵士樸存之子也少負詩名力學不倦乾隆庚辰成進士榜下授主事改官四川重慶府通判殉木果木之難篋中有黃琢山房集令家人懷之脫出曰我死弗令此詩失其同年友畢制府沅為序而刻之

汜水縣東南四十里有山名曰五雲高絕千尋形勢巉嶮與三峯蘭若東西相峙中忽聳起關一邑旺氣上有古清涼觀汜水人士或讀書其中每見白雲入戶因名五雲觀有浮屠九級不知建自何代明宣德中有雷姓者利其碑毀之以為觀中階基其中得石徑尺泐曰逢雷必破土人神之至今以塔山名絕頂有泉曰野狐竇水從石罅出不溢不涸宛轉層崖怪石間亦水之奇者乾隆癸未挑賈魯河查探水源得之

始纂入縣志。

打箭鑪在成都西南九百二十里。相傳蜀漢諸葛武侯南征。遣偏將郭達造箭於此。山脊有郭達廟。極著靈應。土人敬奉維虔。天文分野井鬼之域。為中華之極西。西域之極東。天時多寒少暑。層巒峻嶺。峭壁懸崖。中隔魚通河。形勢險峻。本朝添設軍糧廳。分駐鑪城。專司夷務。兼理五台糧運。明正土司甲克木參同駐於此。轄十二鍋莊。約束新附土司。乾隆丙午。敕建惠遠廟於城西山麓。金碧輝映。光照山谷。番民所居碉樓。亦極宏壯。鑪定橋在飛越嶺西南。六詔孔道。橋跨兩山間。瀘水經其下。不施梁柱。鎔鐵鍊為橋。每鍊重二千四百觔。長二十四丈。有奇。濶六丈。以九鍊為橋身。四鍊為護欄。欄穿小鍊。如卍字形。畧鋪薄板。以濟行人。每板離尺許。滿則為狂風鼓蕩。兩崖埋鐵柱四橫。木以綰鐵鍊。每柱鑄鍊柱觔重。每柱重四萬八千觔。天全州有王姓者。世業鍛。能懸鑪於鍊。鼓鞴施鎚。名曰飛火。遇有損壞。輒召令興修。他姓不能辦也。

巴塘沃野千里。水泉環繞。日麗風和。豁人心目。物產類中土。西行十里有河曰竹巴龍。即金沙江之上游。北通孔宣土司。南與滇之麗江接壤。有土司二。以轄番衆。前明

授以宣撫司。敕秩二品。長曰阿什錯。副曰阿什滾。曾隨嘉勇公福渡臺。征林爽。文屢立戰功。乾隆丙午。臺灣平。論功入奏。賜奇勇巴圖魯名號。以寵榮之。臨陣用烏鎗。能及遠。二百步內。擊人無不中者。捷如猿獠。所向披靡。夷民懾服。暇則邀漢官大賈。至寨宴飲。度曲。恂恂儒雅。不類夷產。

西藏古曰烏斯藏。即唐古忒。前藏名曰布達拉。距京師萬里。乃坤維極遠之地。天文入井三十度。四時觀北斗。祇見其半。南極出地十六度。唐高宗以宗女文成公主妻其國王。始封為海西郡王。康熙五十九年。平定西藏。敕封康濟鼐為貝勒。阿爾布為貝子。隆布鼐為公。頗羅鼐以軍功疊遷。恩命封至郡王。領藏事。子孫世襲焉。乾隆十五年。謀逆伏誅。藏王之爵遂除。高宗以其地。賜達賴喇嘛管轄。以後藏屬班禪額爾德尼佛管轄。國人酷信佛法。自改封後。頗稱寧謐。班禪住扎什倫布。距前藏一千餘里。乾隆四十五年。入覲。高宗純皇帝賜四體字玉冊玉印。五十九年。仍還扎什倫布。駐錫。其地與廓爾喀接壤。故貿易多西洋貨物。行使銀錢。每枚重一錢五分。面鑄乾隆藏寶四字。五十八年。奏准在藏設局鼓鑄。賜名寶藏局。由四川總督派員。往董其事。

乾隆四十一年奉 敕撰勝朝殉節諸臣錄十二卷。凡三千六百餘人。分專諡通諡祠祀三等。人各錄其事迹為傳。仰見 聖人之心。大公至正。視天下之善如一。不以異代而歧視也。

乾隆四十三年奉 敕撰西清研譜二十四卷。凡陶之屬六卷。石之屬十五卷。共研二百為圖。四百六十有四。附錄三卷。則今松花紫金駝基紅絲仿製澄泥諸品。共研四十有一。為圖百有八。每研皆正背二圖。亦間及側面。凡 御題及諸家銘識。一一鈎摹精好。自有研譜以來。無如此之全備。

乾隆丁未。庶常散館。欽定賦題太液池人字柳賦。以題為韻。謹按人字柳在太液池。乾隆間。風吹一枝著地。本株傾欹欲倒。命以折枝撐拄。既而成活。與本株作人字形。因以名之。有 御製賦并詩。伏讀 御製句云。借問人稱誰氏。依稀彭澤先生。可想見此柳之風致矣。

陶南村輟耕錄。載黑玉酒甕。玉有白章。隨其形刻為魚獸出沒波濤之狀。其大可貯酒三十餘石。徑四尺五寸。高二尺。圍圓一丈五尺。至元二年。告成。敕置廣寒殿。由元迄明。至 本朝垂四百年。此甕委棄人間久矣。乾隆十年。重進於 朝。奉 敕建石

亭於承光殿之南以貯之。御製玉甕歌鑄於甕內。內廷翰林恭和詩甚多。秀水鄭香松虎文詩云。天啟聖瑞玉甕出。惟聖克受昭聲歌。臣愚未覩法宮竇。伏讀睿藻心為摹。甕廣三尺容五石。隨形凹凸浮圓荷。刻畫類鑄鼎象物。長風蹴踏萬里波。腥涎怪霧走蛟蜃。呀呷眩矚騰蝨蠹。陽冰不治陰火閤。怪變滅沒吞江河。伊誰剗削運鬼斧。或巨靈掌吳剛柯。吾思此玉當在璞。塊然萬古藏嵯峨。百靈孕合胚太極。潤及草木輝巖阿。原為聖役剖鑿出。宛轉人世襲白窠。那知德薄不能有。供玩耳目羞媵媵。如延津劍泗水鼎神物。終化理不訖於時恭承。陛下聖萬方獻瑞聲。猗那人無遺賢物鮮棄。希世寶肯終煙蘿。熊龍氣光燭夜。乃迹而得歸搜羅。轉赦內府輸朽貫。千金易致駟馬馱。陳之廣殿重圖訓。莫如金甌無傾頗。龍翔鳳翥發天唱。四十八人鳴相和。嗚呼隱見會有遇。委棄道院歲已多。冬顏實腹泥沒足。學士憑弔資吟哦。拂拭偶及光萬國。經天不掩同羲娥。甄幽拔隱寄深慨。誰其會者空摩挲。異物且貴況奇士。努力盛世無蹉跎。此詩奉勅鑄勒石亭楹柱。

按鄭詩與輟耕錄所載廣大容受之

數互異未知孰是存以俟攷

長白祥約圖龜。乾隆丙戌進士。由工部主事累官至布政使。嘗作酒帘詩云。送客船

停楓葉岸。尋春人指杏花樓。都下盛傳。戲呼之曰祥酒窰。

滿洲烈婦希光。吏部尚書協辦大學士永貴之媳。員外郎伊嵩阿之室也。夫病割股以療。不驗。矢以死從。因女弱無依。恐貽舅姑累。苦守十年。女嫁之次日。賦七言律詩二章見志。自縊死。翁錄其詩奏。上憫之。特予旌。遺稿多有可採。鐵尚書保選入熙朝雅頌集中。凡二十首。其烈婦數二首。為大學士舒文襄子婦棟鄂氏作。蓋自傷同志也。

長洲黃協周林。事親至孝。母病禱於北斗。願以身代。積四十九日。方假寐。忽聞異香。幡幢蔽空下。中擁神人。如世所肖斗母狀。呼其名曰。爾誠孝。奈爾母數盡何。黃搏頌哀求神曰。憐爾孝心。當延爾母數旬壽爾。已而果然。

長洲林煜奇。蕃鍾少孤。嗜學。年十八。補諸生。乾隆戊子。舉於鄉。性愷悌。族人有親死不能斂者。與之錢為具棺木。同年生死遺寡妻。貧且病。貸金周之。交友以急告者。傾囊與之。不足則出所藏卷軸。使質錢為用。久而不歸。亦未嘗往索也。與人同行。人指所識妓門曰。吾故人家也。牽之人。見粉黛者。覺其絳。輒引去。或招飲於舟。酒半呼妓至。則辭以洩。登岸脫歸。其任郵。潔如此。後謁選得教諭。年三十九卒。長子行潮。敦

行力學如其父甫得一衿遽嬰瘵疾以卒年僅二十六天之所以待端人者顧若是

耶按林君次子行原邃於古文卓然可傳行潮之子奔稱少年英雋今俱為邑中名諸生其所成就正未可量然則彼蒼所屬或在此不在彼耳

吳縣顧童子年九歲遺母病且殆藥不效童子嘗從鄰家賃雞髮刀歸止戶外爇火煮湯持刀割肱肉投鍋中會母呼湯傾蓋中以進母飲之病良已童子袖間血漉漉出恬然無所苦母病起童子創亦合上海曹御史鴻書為之記

趙雲松翼末第時其戚張某為女鬼所祟醫禱罔效趙往省之坐其榻上張恍惚聞小語曰趙探花至矣姑避之及趙出祟如故張家苦求趙禳被宿其處旬日頗安趙歸家崇大作而張竟不起趙登乾隆辛巳一甲三名官至迤西道

吳縣諸生陳和叔黃中少通敏長於史學深究前代治亂往復所由以達於當世之務發為文磊落不可控制乾隆丙辰應博學鴻詞科廷試未取客游燕楚齊豫閩

浙間時高宗純皇帝登極之初中外大臣仰承聖意廷致天下豪俊虛衷諮訪

和叔故善海寧陳相國因上書論用人理財治兵三大事其條用人之目有十曰分科取人曰慎擇舉主曰重名節曰辨邪正曰加俸曰汰冗員曰寬法網曰覈名實曰懲貪曰酌道里以銓選條理財之目有六曰定旂制曰權錢幣曰興西北水利曰輕

征權曰減漕粟曰定鹽政條治兵之目有六曰謹邊防曰嚴海禁曰練土兵曰修車
器曰簡帥臣曰加月餉相國題其言會詔求骨鯁質朴之士相國欲舉之和叔辭
已而倦游歸里下帷著書成宋史藁一百七十卷又著新唐書刊誤國朝謚法考
殿閣部院年表督撫年表十餘卷詩文集四卷貧不能付梓年五十九卒不能治喪
具親友以金購者妻張固卻之曰奈何以貧故傷夫子義遂粥居以葬其展氏之風
歟

熙朝新語卷十三終

熙朝新語卷十四

清 吳郡徐錫齡厚卿輯

乾隆十六年三月初十日奉 上諭朕時巡至杭州。禹陵存望。緬惟平成之德。萬世永賴。皇祖聖祖仁皇帝曾親祀焉。爰東渡浙江。涉會稽。式遵 皇祖舊典。躬薦馨於宇下。厥有妣氏子姓。世居陵側。應世予八品官奉祀。該督撫擇其有品行者一人充之。以昭崇德報功之至意。欽此。欽遵。由閣部移咨督撫。行據司府縣結報詳題。請將妣恒甸世襲八品官奉祀等因。到部具題奉 旨准行。

乾隆二十二年二月二十八日奉 上諭朕昨至浙江省城。禮部未奏請遣祭已故大學士徐本。詢其故。則以未入賢良祠。例不致祭為對。徐本歷事 兩朝。宣力多年。

勤慎懋著。即如前者過常州時。已故巡撫潘思榘。禮部尚猶奏請。徐本視潘思榘為何如耶。朕巡幸所經。郡縣名臣舊輔。皆即致祭。乃國家念舊酬功之典。該部自當慎重辦理。何得膠柱鼓瑟。乃爾。徐本著入本省賢良祠。並著該部奏請遣官致祭。欽此。仰見 國家眷念舊臣。有加無已之至意。凡在臣工。宜如何感激奮興耶。

乾隆十六年。聖駕南巡。進治河方畧之生員俞墉。賞緞一疋。貂皮二張。大荷包

一對。進詩賦之吳楷。顧于觀。姜掄。元王世球。于堯臣。各賞緞一疋。大荷包一對。其餘王新銘等十五人。各賞大荷包一對。原任太僕寺卿張映辰。編修梁啟心。各賞緞一疋。貂皮二張。續進詩賦之魏近思等二十名。各賞緞一疋。荷包一對。嚴長明等五十二名。各賞荷包一對。二十二年。聖駕南巡。進獻詩賦書畫人員。進一冊者。賞緞一疋。進二冊者。賞緞二疋。其進萬壽生生圖之羅學旦。進蘇詩補註之查開。各賞緞四疋。二十七年。聖駕南巡。進獻詩冊之胡紹鼎。李宗袁。王誠。吳燦英。各賞大荷包一對。小荷包二個。進獻黃山圖之員外郎許蔭材。進獻龍井。見聞錄之舉人汪孟錫。各賞緞二疋。進獻畫冊之監生朱方藹。童生呂師說。言世永。各賞緞一疋。進獻唐詩之李清馥。賞緞二疋。三十年。聖駕南巡。進獻詩賦之湯世昌等三十人。各賞緞一疋。承辦金山墨刻之程堂。姚思康。各賞緞二疋。江廣達。賞貂皮四張。大小荷包各一對。以上俱見。南巡盛典。後自庚子至甲辰。鑾輅經臨。行慶施惠。不勝殫述。

乾隆二十七年。李鶴峯因培督學江蘇。按試淮郡。方唱名時。地忽震。西風大作。轅門外旗竿。被風刮入雲中。不知所往。時河湖盛漲。水與高家堰平。西風加勁。淮揚危在

頃刻。河督以下各官。面色如土。方恐怖間。忽轉東風。天低若蓋。見有黑龍在雲中。修尾下垂。湖水上吸。一炊許。邏兵來報。消水三尺。衆心大安。與試諸生。歡聲雷動。石埭縣教諭沈公。目擊其事。

紀文達公酌。中乾隆丁卯順天解元。二場表題。擬乾隆十一年。上特召宗室廷臣。分日。賜宴瀛臺。賦詩聯句賞花釣魚。賜賚有差。羣臣謝表。紀作高華典貴。進呈。

御覽其詞曰。伏以

皇慈霧洽。雅叶夫酒醴笙簧。

聖渥天浮。道契夫賡歌颺拜。

秋深桂苑。蓼蕭沾濃露之華。日麗繪峯。葵藿依太陽之照。集公姓公族以式燕。玉牒生光。合大臣小臣以分榮。冰銜動色。樓榭八月。真同海客之遊。廣樂九成。似返鈞天之夢。屏藩有慶。簪組騰歡。臣等誠惶誠恐。稽首頓首上言。竊惟世道昇平。著太和於有象。朝廷清暇。敷愷樂以無疆。鼓吹休明。必有詠歌之作。潤色鴻業。爰申燕樂之文。故象協鳳梧。誌卷阿之雅會。興傳魚藻。留鎬邑之遺風。鹿鳴以下共六詩。君歌臣答。白華而後為一什。誼美恩明。天王燕則諸侯毛。司儀夙傳其職掌。正歌備而太師告。禮經亦著為典章。在先王皆具有明徵。及後世乃別名曲宴。栢梁臺上。藩封以迨於郎官。葡萄宮中。宰執兼隨以學士。五王共宴。花萼樓頭。三等分評。曲江亭畔。咸亨之

會。二王同太子俱從麗正之筵。兩相暨禮官咸在。情契荆枝之句。興慶移鑿。詩吟花
蕊之天。樂遊置酒。莫不燕衍於暇豫。用以祝頌夫太平。然而大陵享神。歸藏既誕。洞
庭張樂。壯叟尤夸。汾水新詞。不入西山之錄。瑤池舊事。浪傳汲冢之書。雖有其文。蓋
無足道。至於寧哥噴帝。黃籥綽於以解嘲。婉兒評詩。宋之問鬪其警句。研光帽小。汝
陽旋舞以簪花。飛白書成。常侍登牀而乞字。每嫌輕薄。豈曰風流。未有沐浴深仁。醉
以酒而飽以德。昭宣盛典。禮同節而樂同和。如今日者也。茲蓋伏遇 皇帝陛下。虹
璧當陽。龍圖啟運。澤洽四表。薰風入舜帝之琴。德訖八荒。瑞露浮高辛之甕。雲生牖
松生棟。無為宰萬化之原。樂為御德為車。有道識一人之慶。固已民康物阜。不殊華
脊之遊。遠入邇安。宛似春臺之樂。九年耕而三年食。世登含哺鼓腹之天。十日雨而
五日風。人識位育中和之化。史官載筆於玉署。頻登大有之書。天顏有喜於瑤階。
爰下推恩之典。用相交於上下。務兼備夫情文。乃移法駕之清塵。焚香灑酒。聿舉趨
陂之高會。鼓瑟吹笙。乘秦運者百三年。再行曠禮。過中秋者十二日。先及懿親。或慶
衍於螽斯。或派分於麟趾。文昭武穆。盡周家子姓之班。東平河間。皆漢室宗盟之望。
昔年故事。曾裁桐葉以分圭。此際遭逢。更叶棣華以待宴。未央二十萬之賜。方此未

多。唐皇十六字之榮。覺其尚陋。迨乎翼日。遂及羣臣。落望後之仙。莫尚餘兩葉。問重陽之瑞菊。尚隔十朝。則有輔弼。依垣列三臺。以拱極。卿士惟月。分九道以從星。鷓鴣集藜閣之英。鼇峯日曉。獬廌映栢臺之繡。烏署霜寒。官司鹽梅。俱陪嘉會。班聯槐棘。咸預清行。職盡清華。鄭鮮之未容啟事。人兼風憲。李栖筠亦得從遊。儀肅冠裳。列分左右。時乃仙車九九。降來五色雲中。玉佩雙雙。隨過百花橋上。參差貝殿。疑浮弱水之三千。隱見珠樓。似見崑崙之十二。滄洲曉氣。化為宮闕之形。閭闔秋風。吹入金銀之樹。舟浮太液。驚黃鶴以翻飛。帳啟昆明。凌石鯨而問渡。指天河之牛女。路接銀潢。掣秋水之芙蓉。域開香國。尋芳曲徑。惹花氣於露中。垂釣清波。起潛鱗於荷下。檀林瑤草。似開金谷之郁芬。桂餌翠綸。喜看銀盤之撿刺。大官賜膳。圖雲刻雷之尊。光祿傳餐。漬桂釀花之酒。青龍布席。白虎執壺。四溟作杯。五嶽為豆。琳琅法曲。舜韶奏而鳳凰儀。渾穆元音。軒樂張而鳥獸駭。紅牙碧管。飛逸韻以干雲。羽衣霓裳。驚仙遊之八月。莫不神飛色舞。共酌太和。咸覺心曠神怡。同餐元氣。遂乃集枚馬。呼應劉。歌詠清平。揄揚盛美。天章首煥。落一串之驪珠。御筆高標。扛百斛之龍鼎。葛天浩唱。不推羲繩以前。叢雲奧詞。漫道媧簧而後。因之句成七字。仿漢事以聯吟。人賦五言。

分唐詩而探韻宮鳴商應俱協和聲璧合璋分細裁麗製歌叶八伯盈廷依紉縵之
華頌出九如聯袂上岡陵之祝當此颺言以拜手彌增嘉慰於宸衷鴛綺七襄抽
仙絲於香草鸞牋十色分妙製於桃花織天女之金梭名高蜀郡研吳都之銀粉價
壓膠東玉井波寒濯瓜桃於懸圃鐵舡渡遠分蓮藕於華山帶去歸鞍香拂青絲之
籠傳來中使光搖赤玉之盤皆得攜出人間爭識來從天上西苑賜遊之佳話曾
何足云北門侍宴之恩榮無能過此笑貞觀豐年之慶筵啟丙辰陋開元麥秋之登
樽移端午千秋曠禮萬古奇逢洵哉遊豫之風允矣泰交之象臣等才同樗櫟器謝
棟梁藻有愧於投天賦未堪以擲地濫列金章之寵叨分玉局之班簪白筆而莫效
涓埃侍黃門而多慚獻替六翬雙鳳知點竄之難工九几五筵屬遭逢之有幸得與
鹿茸之會彌增鳧藻之思伏願化洽郅隆治超皇古無逸而乃可以逸常軫夫康功
田功已安而益求其安每惕夫一日二日撫池臺之勝槩則思靈囿之子來對魚鳥
之親人則思妣王之咸若觀九族之燕笑則思自親睦以至平章顧千官之肅雍則
思正朝廷以及邦國賞花而念貢花之非禮勿信其小忠垂餌而知食餌之不惜務
察其大偽供來芳饌莫忘東作之耕人捧出霜縞當履西江之浣女樂諧韶濩致戒

夫琴瑟之專。詩被管絃。務親夫風雅之正。則宮為君。商為臣。角為民。徵為事。羽為物。音有五而協氣長調。肅時雨。又時暘。哲時燠。謀時寒。聖時風。疇次八而休徵咸應。銀繩玉檢。不數夫七十二君。玉燭金甌。永固於百千萬世矣。臣等無任瞻天仰聖。激切屏營之至。謹奉表稱謝以聞。按文達公其時年甫弱冠。場屋中乃有此瞻麗之文。洵不愧一代作手。

蔡葛山相國奉教。校四庫全書時。其幼孫誤吞鐵釘。醫家以樸硝等藥攻之不下。奄奄就斃。適校至蘇沈良方。見有誤吞鐵物方云。剝新炭皮為末。調粥三碗與食。其鐵自下。依方試之。果炭屑裹鐵釘而出。乃知方技雜書俱有用處。蘇沈者。蘇東坡沈存中也。宋人集其所論為此書云。

曹來殷仁虎由召試中書。登乾隆辛巳進士。在京師時。晝寢。夢一偉丈夫來拜。自稱黃崑圃。偕至一處宮殿。巍然中有尊神。面正方著本朝衣冠。請曹入見。曰。吾三人皆翰林衙門官。只行後輩禮。不行僚屬禮。坐定。目曹曰。卿十一歲時行一大好事。上帝知之。故特召卿到此受職。卿可即來。曹茫然不記幼所行何事。惟力陳家寒子幼。不願來。尊神意不懌。向黃曰。再勸掖之。語畢而入。黃笑謂曹曰。翰林衙門甚苦。何

戀戀不肯來耶。曹又哀求至再。黃曰：我姑為卿說情。或者可免。但卿以後逢火日不可出門。慎無忘也。曹唯唯。因問尊神何人。曰：張京江相國。問此間何地。曰：天曹都察院。曹驚醒。後每出門必避火日。雖慶弔亦不往。數年後漸不記憶。乾隆三十三年臘月二十三日。嚴舍人長明邀曹至程太史晉芳家作詩會。俗以此日祀竈。遂以為題席間酒數巡。曹伏案睡去。搖之不醒。客大驚。疑詩中有侮竈神語。故神示之譴。乃羣向竈神禮拜祈請。至三鼓。曹始蘇。自言恍惚出門。如行泥沙中。身不知所泊。亦了無恐怖。忽見黑袍神迎面攔阻去路。因送之歸。次日取時憲書閱之。二十三日乃火日也。曹後官至侍讀學士。卒無他異。

乾隆甲寅。四川解元黃多益。場前夢人示以題為益者三友章。因改名應之。榜發果得榜首。

乾隆三十年。高宗純皇帝巡幸江浙。訓導王世芳接駕。時年一百七歲。奉旨

賞給匾額。並賞緞二疋。三十六年入都恭祝皇太后萬壽。時世芳年一百十三

歲。賜翰林院侍講銜。還鄉與第三子同行。白髮飄蕭。背轉偃偻。不似乃翁之矍鑠。問其年。曰八十五歲。又乾隆辛未。聖駕南巡。有湖南湯老人來接駕。年一百四

十歲。上賜扁額云。古稀再度皆 熙朝人瑞也。

無錫王晉川會汾。乾隆丁巳翰林官。至吏部侍郎。家故貧。刻厲讀書。館選後。猶鍵戶下帷。勤讀無間。人以為難。癸亥 御試翰詹第一。一歲三遷。洊陟卿貳。立 朝蹇蹇。有古大臣風。上方倚重。將畀中樞。會京察自陳。舉侍講學士。齊召南自代。推賢讓能。朝野重之。

南豐李恭毅公湖。乾隆己未進士。由知縣累官至廣東巡撫。時番禺艾塘灣為盜藪。出沒數百人。劫掠官民無數。大吏不敢問。恭毅下車。即躡訪得實。商之巴總督。延三委汪臬使新廣州李知府天培。率兵千餘人捕之。四面設伏。夜半鼓譟而入。直搗其巢。巢名老鼠山。三面臨海。其賊首梁亞香。聞風即率其醜類拒捕。官兵踴躍爭先。擒其賊百餘人。亞香見勢不敵。即遁至海邊。扳倒枯樹。擲之海中。騰身抱樹而逃。汪命善泅者駕小舟。追至海中擒之。奏聞。上嘉之。命嚴鞫其黨。匝月獄成。共審得首從一百八十人。所劫數百案。磔於市。令鑄大鐵猫於老鼠山以鎮之。盜風始息。粵人為之歌曰。廣東真樂土。來了李巡撫。聖眷正隆。而積勞成疾。遂卒於官。斂時見其面目手足作黃金色。光耀照人。亦一奇也。

劉文定公為相時。王司寇述庵以公事詣邸第商酌。時夜半天寒甚。公呼三公子具酒脯。而厨傳已空。僅得白棗數枚以侑酒。公自愧其陋。然儉德如此。不可及也。

丙辰徵士武林桑菽甫之父文侯家貧。性至孝。父病膈。醫者云須羊脂和粥以為餌。文侯每日侵晨市脂煮粥以供父。父歿。文侯抱鑪以哭。若孺子然。里人為繪抱鑪圖。作詩紀其事。萬光泰一首最悲切云。羊脂數合米一糶。病父在牀惟噉粥。父能噉粥子亦甘。粒米勝於五鼎肉。升屋阜某無歸魂。束薪斷火鑪寡恩。牀前呼父鑪畔哭。抱鑪三日鑪猶溫。嗚呼恨身不作鑪中米。臨歿猶能進一匕。謂鑪不聞鑪有耳。

高郵夏醴谷之蓉。雍正癸丑進士。由教諭薦舉入翰林。典試閩中。督學粵東。於治經外。示以古文之學。兩省文風因此蒸蒸日上。星軺所至。綜所見聞。繫諸篇什。著有駢征集。歸田後。仍日事丹鉛。手不釋卷。耆德盛名。學者以為矜式。

會稽周學士長發。雍正甲辰進士。改庶吉士。散館。以知縣用。尋改教職。乾隆初。由薦舉重入詞館。奉命祭告嵩華江淮吳山等處。乞假省母。恩賜內緞。豐貂。令歸為母壽。極儒臣之榮。

華亭王礪齋祖庚。為相國文恭公長孫。幼穎異。公愛其類己。且生同甲。故名曰祖庚。

字曰生同雍正丙午丁未聯捷榜下選山西聞喜縣調興縣歲旱申請開倉平糶不待報即令民赴倉買穀民賴以安乾隆丙辰薦舉應召試不售尋奉旨纂修經史出知隰州卓薦陞順德府調保定府恭逢聖駕巡幸及秋獵木蘭諸大典屢荷召見奏對悉稱在任八年卓薦者再然終以未得入詞館為歎兩子紹曾顯曾皆膺館選而意終不樂亦見文人結習未忘也

山陰胡稚威天游雨中副榜乾隆丙辰薦舉召試因持服未與次年補試又以汚卷見遺居京師館任宗伯蘭枝第晨夕商榷讀書未嘗挾一刺以干公卿公卿慕其名者欲一見而不可得每廣座作文落紙輒數千言見者嗟服駢體文得唐燕許二公之遺會一統志成當進御鄂文端張文和兩相國屬齊檢討召南作表齊推稚威文端欲招之卒不至其任氣不肯下人如是

桐城張文和公七十壽辰高宗賜對聯云潞國晚年猶矍鑠呂端大事不糊塗常州陳文恭公薨賜對聯云執笏無慚真宰相蓋棺還是老書生

錢塘梁文莊公乞假養親賜詩云翻祝還朝晚卿家慶更深天語之肫摯如此知明之之契合深矣

吳縣陶部郎篠之妾李氏年二十四而寡撫所生子望潛甫彌月教養成人為之授室媳陳氏有娠六月而望潛又歿時陳氏年甫十七痛不欲生勉從姑命以待生男延宗祀也已而舉一女孀姑恐傷寡媳心亟請於族黨公議以猶子緒澧為嗣又十年而李氏卒計守節二十九年陳氏命緒澧循例請旌建坊墓道綽楔巍然工費不貲典質簪珥殆盡親族賢之乾隆壬子陳氏年四十一歲西鄰不戒於火延熱將及臥室舉家徙避陳氏守伯姬之戒端坐不出時西風大作火勢忽迎風返轉闔門得免於厄天之厚待苦節此其顯而易見者也聞緒澧之子亮采已有聲庠序陳氏猶及見其孫之成名食報正未有艾耳

長洲蔣重光女有至性父病瘵日久女隨生母晨夕侍會天暑蚊集嘍偏體婢媪輩欲揮之女不可曰蚊得一飽便絕他噬甯使噬吾膚母令再噬吾親也婢媪為之泣下其感人如此女年十四字同里陳珏未娶而夭女誓不再字父母不忍奪其志遂歸於陳持服如制立嗣娶媳而嗣子又歿乃與孀媳撫遺腹孫廷椒以養以教守節三十餘年而卒廷椒呈請詳題得旌典焉

按兩世苦節撫遺腹成立此貞節中所最難者集中所載如錢塘徐吳縣陶及

蔣貞女事凡三則今徐節母之子承恩業已貴顯吾願世之為貞節後裔者咸誦清芬而貽令名也

程香巖蔭貴。中乾隆己卯舉人。授四川大竹令。有政聲。公餘以詩畫自娛。翩翩一書生。絕不料其有幹濟才也。金川用兵。上官察其能。委辦南路科多站。程以其子烈隨行。西軍失守。賊勢方張。漸及科多。程下令籍隸役兵夫盡力死守。數月賊不得逞。點者教以火攻。賊乃積薪縱火。既熾。程身先出戰。手及二賊。遂遇害。其子亦不屈。事聞。贈道銜。祭葬蔭賚如例。若程君父子。可謂忠孝萃於一門矣。

熙朝新語卷十五

清 吳郡徐錫齡厚卿輯

高宗純皇帝御極六十年。壽萬宏開。篤生人瑞。各直省奏報耆民。五世同堂。親見七代八代者。屢見即抄。然未有如長洲蔣氏之盛者。乾隆丙寅春。內閣中書應焯之祖文源。年九十。配張氏。年八十九。翰林院編修元益之祖文涵。年八十九。配顧氏。年八十八。俱五世同堂。親見八代。應焯元益。同日給假回籍祝壽。海內榮之。時徐雨峯士林為巡撫。製聯稱祝云。登甲登科。五代兒孫繞膝。難兄難弟。九旬夫婦齊眉。洵為熙朝盛事。

乾隆庚戌恭逢 高宗純皇帝八旬萬壽。先期有 詔。以戊申鄉試。己酉會試為正科。己酉鄉試。庚戌會試。為 恩科。己酉典江南試者。胡閣學高望。副考賢志。選士公明。闈中向例。於 萬壽節。將各房考首先呈薦之卷。取中一名。名曰 恩卷。然間有二三場疵累。或事故不到。不能入彀者。是科金山令奉天子滄來。黿圖房中。首薦一卷。主司亟加稱賞。即時批中。及填榜。拆閱彌封姓名。乃知是卷為元和王壽祺。主司監臨及監試。簾官輩。無不額手稱慶。 聖天子壽考作人。髦士嘉名。適符瑞應也。

長洲錢宮聲中諧。康熙己未博學鴻詞科。官翰林院編修。時湯文正公為江蘇巡撫。贈以題額曰奎壁凝暉。乾隆己亥。宮聲元孫際。以第一人舉於鄉。辛丑。公車北上。時夢五色雲自空飛下。中有蒼龍直前蟠舞。因以左手持龍角。右手取筆。大書奎壁凝暉四字於龍頭上。龍即騰空去。尋中會狀。自前明正統商文毅公輅後。三百三十六年來一人。自唐元和張公又新至是。九百七十六年中第八人也。高宗純皇帝御製三元詩。賜之。有王曾如可繼。違弼我心存之句。草茅新進。而簡在。帝心如此。豈非厚幸與。

乾隆甲辰。余在四川成都府城隍廟。見一道士。清癯如鶴。髮半白。問其年。曰不知也。因言今歲。聖駕南巡。惜未得瞻仰。天顏。余異其言。因問吾師曾至江浙否。道士備述。聖祖六幸江浙諸慶典。並沿途景亭名勝所在。歷歷如繪。非躬逢其盛者。不能道。殆二百歲人也。

崇化屯屬之刮耳巖。為大金川要道。蜿蜒綫棧。約長三里。山巖如削。石壁峻嶒。俯聳作欲墮狀。下視大江。蒼茫無際。濤聲雷動。往來者捫壁附石。轉側偃僂。勢與俱傾。苟一瞑眩。顛蹶無底。王師平定。噶拉依循巖築石為欄。行人過此。咸誦阿文成公之

偉烈北行七十里名龍登碛即福貝子駐兵處

福貝子康安後追封郡王大學士傅忠勇公次子年十九以頭等侍衛統兵隨定西
溫將軍福征大金川叛酋莎羅奔進駐龍登碛木果木兵潰貝子以眾寡不敵且戰
且退行至刮耳巖痧脹墜馬家人恐懼委之而遁重慶營戰兵王貴見貝子呻吟草
中奇其狀貌負而疾馳七十里抵沃什站適阿文成公自西路撤兵至沃一面飭令
隨營太醫診視立遣將備以安輿送入關五十年貝子節制全蜀閱兵至渝憶及王
貴刮耳岳之功立諭鎮將查訪時王貴辭糧已久孑然一身補履為業以自給貝子
既憫其邁又感其勞欲官千夫長以酬之王因年老力辭貝子知其性耽麴蘖為置
千金之產俾得醉飽終其身蜀人咸稱王之淳樸而多貝子之勇於報德也

乾隆辛未四月 聖駕南巡至山東撫臣準奏稱山東之沂州府舊為郕邾郡地
嗣號臨沂 本朝因之曰沂州尋陞為郡考之通志該地為漢臣諸葛亮及晉臣王祥
王覽唐臣顏杲卿顏真卿故里是以城內舊有景賢祠為合祀亮與祥覽及杲卿真卿
等五臣之所及忠孝祠專祀亮祥於內今各祠宇雖皆年久堙圯而志乘載之里民
思之並有諸葛城孝感河諸遺蹟存焉此五臣者如諸葛亮之鞠躬盡瘁殫忠漢室

偉業豐功。史册炳然。至如王祥之純孝格天。王覽之友于感母。洵皆至性出於醇篤。非僅為一代名臣已也。若夫顏杲卿。顏真卿之節烈萃於一門。孤忠標於千古。尤為正氣凜然。是亮等不獨學術事功彪炳載籍。且其忠孝友悌。實為千古人倫坊表。令事遠年湮。各蹟雖沈榛莽。然里民之懷想芳徽。猶昭昭可考。茲當我皇上翠華巡狩。聿修慶典。可否仰懇天恩。將此五臣。或賜匾額。或賜詩章。一經聖主褒嘉。則五臣之忠孝亮節。既得上隨圭藻天章。永垂不朽。而聖主表忠教孝之化。益覺光昭萬禩矣。奏上。蒙賜七言詩一首。曠典也。

浙江蕭山張氏觀五采五昆仲。俱以資入為郎。出宦山東福建。乾隆丁未歲。其家後園荒地上。忽出大竹兩竿。枝葉凌霄。詫為奇事。是年秋。觀五擢東昌府知府。采五擢汀州府知府。

乾隆辛丑十月。蕭山陸敬軒為永城尉。署中舊有柳樹一株。年久半槁。命工伐之。鋸板見天然畫一幅。如淡墨寫成。左右峯石峻削。懸崖上有松一株。老樹一株。枝葉倒垂。松上纏藤累累。下有一叟扶杖立。高冠長袖。鬚眉宛然。左手納袖中。著臂前。右腳前行露其跣。左脚隱衣下。回顧若聽泉狀。雖妙手寫生。不是過也。造物之巧。真有不

可思議者。

畢秋帆沅為陝西巡撫時。曾上華山頂宿僧舍。夢有人長身玉立。著古衣冠。拜之曰。某居此山中。已及千年。近有僧人以大銅鐘掛吾左臂。吾甚苦之。乞為解釋。明日入寺。果見鐘一口。挂大銀杏樹上。因命山僧移鐘。別置他所。

秋帆先生。生平於古人中。最服膺蘇文忠公。每於十二月十九日。輒為文忠作生日會。懸明人陳老蓮所畫文忠小像於堂上。命伶人吹玉簫鐵笛。自製迎神送神之曲。率幕士及屬吏門生。衣冠趨拜。拜罷。張晏設樂。即席賦詩。秋帆首唱。和者積至千餘家。當時傳為盛事。

浙江金華吳紫廷鳳來。乾隆庚辰進士。任廣西象州知州。境內有山。山上有龍潭。旱時祈雨甚靈。吳不信。嘗帶從役數十人。入山禱雨。初見潭水甚清。一無鱗介。俄頃。忽見有紅白魚數頭。出沒其間。從者羅拜曰。龍神見矣。吳不信。引弓射之。一魚血淋漓。帶箭去。眾惶懼不知所為。吳大言曰。果係龍神。當現真相。吾始信耳。言未畢。四山昏黑。作雲霧。對面不辨人。潭水決起數丈。龍頭仰浮水面。其狀如牛。雙角有鬚。兩眼若漆。而所射之魚。仍帶箭游泳於龍之左右。若侍從然。吳始信服。再拜謝過。未幾大雨。

如注。

琵琶亭。在江西九江府浔陽江畔。題詠甚多。乾隆間。唐蝸寄英司權九江。置紙筆於亭上。賈客能詩者。輒令賦詩。開列姓名。交關吏投進。唐讀其詩。分高下以酬之。投贈無虛日。坐是虧累。變產以償。怡然絕不介意。去官後。過客思之。為建白太傅祠。肖唐公像於傍。至今尚存。

江陰李芥軒崧。隱居不仕。與其配薛素儀。更唱迭和。有前明趙凡夫陸卿子之風。一日。夫婦對酌。偶以瓜子仁排作數行。芥軒云。細剝瓜仁排鴈陣。素儀應聲云。輕移杯底印連環。一時傳為佳話。

歙縣程道平坦。少習制舉業。不售。去而學賈。生平敬惜字紙。每行街市。輒注目四顧。恐有字紙棄地也。人以為癡。程樂此不疲。倡惜字會。雇人拾剔。砌爐焚之。灰則附客舟載至江而沈之。如是者五十年。年八十餘。無疾而終。歿後旬日。示夢于其子曰。我前身乃文帝坐下白驃也。夙根不昧。惜字一生。今往浙江託生為士人。早掇科第。食其報矣。此乾隆五十九年事。

常州孫氏祖塋。在府城西門外十里。乾隆間。塋上忽生連理木二本。上合為一。枝幹

拳曲人所罕見。至丁未科。裔孫星行中進士第二人。由翰林累官至山東督糧道。曾作記刻石墓間。

乾隆己丑殿試。進呈十卷中。吳縣潘榕臯奕雋名列第七。以得信遲誤。保和殿御試不到。改為內閣中書。一日。劉文正公指潘笑謂同列曰。此天子呼來不上船者。

吳縣潘芝軒世恩生於乾隆己丑十二月。誕生前一夕。其祖貢湖贈公夢一玉麒麟自空降於庭。贈公取置掌中。宛轉化為嬰兒。比長。天姿聰穎。器宇端凝。中癸丑進士第一人。歷踐清華。年四十。官至尚書。

乾隆癸酉。太倉王生赴省試。有同鄉友三人。託預定寓屋。恐臨期倉猝也。王因為之稅屋三椽。而已下榻於其傍屋內。越數日。王卧病恍惚。見呂祖入門。手持香圓三枚。王起迎之。呂祖搖首微笑曰。到口乃可吞耳。王不解所謂。翌日。三人來。王亦病瘥。場事畢。三人皆捷。一解元吳溶。一第八名吳一桂。一十一名吳鏗也。

長洲蔣氏族最繁衍。其先世光祿公可竹墓。在婁門外墳墓橋。五年合族會祭於舟次。肆筵宴劇。觀者如堵。乾隆壬辰二月。屆會祭之期。黎明有一白鶴舞於墓前。旋繞者

再四圍喜鵲結隊相隨。逾時始散。是年少司馬元益膺 覃恩一品封誥。四世俱仙。鶴補服。閱二年奉 命典浙江鄉試。撤闈後得 旨給假回籍省墓。里人榮之。蔣參議祠在虎邱。祀明天津兵備參議燦孫。贈兵部右侍郎之遠配焉。乾隆乙酉。高宗南巡。至虎邱。見參議祠前斗標林立。上曰。這是那一家。時扈 蹕大臣以山東學政蔣元益家祠對。上曰。原來是念書人家。勝國名臣。重邀 溫諭。尤為異數。迄今里人尚呼為旗杆場云。

蔣佚圃贈公舊第。在郡城福濟觀西。門首貞節坊。為贈公嗣母盛太夫人建。自康熙初至今。綽楔巍然。左右屢遭回祿。坊獨保全。乾隆五十年間。鄰近大火。太夫人元孫媳陳氏亦節婦也。居第內後樓。望見火勢方熾。一星冠羽衣人。凌空指揮。若保護此坊也者。因得無恙。陳氏夜夢太夫人語曰。上帝嘉我生前貞節。故臨災之際。神明庇佑。今吳縣節孝祠中。有木主首列者。即太夫人也。後裔成進士者十二人。登賢書者三十餘人。其食報如此。

高郵州廨東。有狀元墩。祀文昌神。神前有一騎。俗呼曰白特。甚著靈顯。王文肅安國。夏筠莊之芳。夏體谷之蓉。三公為諸生時。會文於此。文肅嘗夜入文昌祠。祠前故有

一小橋履橋上軟如綿。初不覺也。既至祠。僧驚曰。橋圯矣。君何從來。文肅茫然。次早見神前白特。四足泥淖尚津津然。疑夜所履者即此也。後三人皆成進士。入翰林。惟文肅官至尚書。

俞貞女名杏貞。金匱人。翰林肯堂女弟也。許字高郵明經金蘭。未嫁而蘭卒。女聞絕食死。女能詩。嘗過露筋祠作詩曰。題烈傳千古。聞名似讀銘。噬膚空幻相。屹石護貞靈。未見野蓮白。惟傷沙草青。崇祠留砥柱。多少女郎經。時人以為詩。識所著有杏軒集。

蘇州周勗齋明德。官蜀中最久。嘗隨福郡王入西藏。見唐古忒風俗。人死即齧割以喂鷹犬。謂之天葬地葬。又割天靈蓋作盂貯酥油供佛。明德乃稟駐藏大臣出示禁止。其畧云。欽差駐藏大臣示。為禁止齧割死屍以重人倫。以厚風俗事。照得天地至大。凡一切知覺運動之類。惟人最靈。惟人最貴。無論山陬海澨。但係人類。莫不有父母焉。但有人性。莫不有不忍之心焉。既有此心。則君臣父子夫婦兄弟朋友俱至親至愛之人。生時團聚歡樂。死後哀戚悲慟。人有同心。理固然也。乃唐古忒俗崇佛教。賦性愚頑。積習相沿。無情無理之事。不可枚舉。即如人死殘割。與鷹犬掠食。謂為

天葬地葬。竟與禽獸無異。本部堂奉命駐藏。治理斯民。蒿目疚心。不忍不廣為訓誨。俾佛地番民共曉。聖教而遵。王法。從此養生送死。倫紀無乖。乃至願焉。查律載。笞杖徒流斬五等。所以治罪人也。至於剖尸梟首。尤為極重之刑。其謀反叛逆。弑父殺兄。妻殺夫。乖亂倫常之人。方予凌遲處死。今唐古忒民人。各有父母兄弟妻子。在生極其憐愛。迨其死後。即將尸碎割以喂鷹犬。其子其弟其婦。在旁觀瞻。不以為慘。反謂得受好處。有是理乎。試思爾之父母。生而獲罪。為王法所加。或斬或剮。其子尚為哀痛。或爾之父兄。為仇人殘害。其子弟尚欲報復焉。有一生無罪。幸得善終。反被自己妻子凌遲。殘忍凶惡。一至於此。雖日夜誦經懺悔。何能消罪于萬一耶。爾將父母屍身殘毀。喂鷹喂犬。故爾之子孫。亦將爾屍照樣割裂。此即明示報應。可不猛然省悟乎。嗣後人死。概不許殘毀以喂鷹犬。自己有莊田者。于莊內埋葬。如無莊田之貧民。現由達賴喇嘛撥出荒山。立為義塚。公地報官。即與掩埋。倘有無知番民。仍不遵奉。即治以不孝之罪。凌遲處死。毋貽後悔。特示。自示之後。唐古忒民人。感化凜遵。頓改惡俗。仁人之言。其利溥哉。

山東庠生張大美。素奉關帝甚虔。乾隆乙亥。張患病甚劇。恍惚間。夢至關帝廟。見帝

方陞殿理事著。本朝衣冠威儀嚴肅。張休息不敢仰視。有頃間呼張名。張匍匐至階下。帝在殿上語之曰。吾廟中楹柱對聯。膚泛俚俗。甚不愜意。爾與吾有香火緣。其為吾改之。張跪誦一聯云。數定三分。扶漢室勦魏伐吳。辛苦備嘗。未了平生事業。志存一統。佐熙朝。伏寇降魔。威靈丕振。只完當日精忠。帝深加歎賞。曰。此四十二字。爾來歲當知好處也。張叩謝出。遂寤。不解來歲何云。次年鄉試。首場。張坐矮屋中。構思未就。倦而假寐。夢帝肘之曰。起起。爾忘對聯字數乎。張驚醒。文思沛然。援筆立成三藝。如宿構然。是科中式第四十二名。

蘇州府城圓妙觀之東。為臨頓里。有錢某者。以賣藥為業。謹愿性成。市價不二。里人重之。一日。錢方據櫃板。修治藥料。忽有一癩道士。抱一臃腫幼童。置櫃上。撫弄之間。三遺其矢。店夥大恚。將加詬誶。錢諭止之。道士曰。居士善人。吾令吾徒自己收拾可耳。即呼童俯拾所遺矢。納口中。錢察其異。亟奪之。道士已肩此童去。步如飛。遙望之所負。非幼童。乃一葫蘆耳。因悟此道士必呂祖也。櫃上遺矢之處。異香經月不散。人有異疾不能瘳者。試刮板屑少許。和藥以進。病良已。不逾月。櫃板洞焉。時人咸以錢家藥店。呂祖曾到。利市三倍云。

梁溪俞蓉汀大鴻。幼警悟嗜學。工詩畫。得唐宋人意。及長。循例入太學肄業。歲需膏火。自顧弗遑也。有吉水某。與俞素相善。遊學至都。溝疾不起。俞經紀其喪。盡罄已資。且撫育其十歲孤兒。延師課讀。數年。學大就。適俞以考職發河工。將出都。以某尚未歸葬。其子不能獨留都下。急託其鄉人。給資令扶櫬同歸。其子旋游庠。食餼。感俞高義。至今尸祝之。俞年四十九。無疾卒。著有蓉湖吟草。

定州唐河道村。為西山泉水所歸。驟長丈計。依阜而居者。時遭水厄。有王某者。耕於田。見水忽至。急趨至家。遇妻在戶。即負之走。妻大聲呼止之。曰。母在內。何先顧我也。某舍而負母。置之阜。歸救妻。則水已及丈。居毀而妻無跡矣。奔告母。母痛甚。望水泣不已。尋見一屍浮近阜。某力挽出之。即妻也。母益痛。撫屍大慟。某亦視而泣。妻忽蘇。張目如夢醒然。形氣無恙。母子告以故。始覺再生。未幾水落。仍安居如故。蓋造物嘉其孝。特活之數外也。

容城張進士南川。父某以歲貢銓恒山學博。食俸十二年。積金八十。孺人以公年屆六旬。已年亦五十。有七子。嗣無望。力勸歸田。公從之。乞休返。行裝蕭索。不及一肩。次保陽旅邸。聞鄰婦老少相泣。異而詢之。知老婦有子。為催科役。虧官糧三十餘金。限甚

迫其妻計無所出。將自鬻以償。是以悲耳。公惻然。欲解囊以濟。慮孺人中沮。太息不止。孺人先亦詢知始末。亦以力薄。斂容不敢請。公會其意。以告。孺人慨然。如數代償。全其骨肉焉。次早。車過西城舊石坊下。聞空中云。該死者至矣。又有人云。昨以積善免。且有一子登第。語甫畢。石坊崩。去車尾僅尺許。既歸。孺人以車中所聞語告公曰。一念感天。君或者其有後乎。勸之置妾。不可。未幾。孺人信水復至。居然生子。即南川也。遠近聞而異之。南川幼聰穎。年十七成進士。出宰百里。二老人就養任所。俱享大年。積善之報也。

江北張某。為人經紀。收債於江寧。歲暮將歸。黎明。肩行李出城門未啟。立市簷以待。倦甚。以置金之布搭坐身下。方閉目。城遽啟。忘攜身上布搭。僅肩行李趨出。行里許始覺。急返覓舊所。已各肆俱張。人如雲集。而布搭不知去向矣。於此愁眉觀望。徘徊不已。一老者詢故。以實告。邀張入曰。今早啟門。得有遺物。未識相符否。張曰。為東人物者兩大封。其小封則已物也。錠數分量各若干。老者驗係原物。即還之。張感泣。愿以己金奉。老者笑曰。吾果愛財。頃則不言矣。君何不諒也。張不敢強。因拜謝。各道姓名而別。張抵江待渡。而風大作。渡舟多覆。溺人無算。張惻然曰。吾所攜之金。失而復

得吾命亦屬再生矣。悉出己金買救生者。操舟往救。立拯數十人。皆感謝。彼此通姓。氏中有一少年。江寧人。往江北貿易。回家度歲。即還金老者之子也。張異而告。以故聞者莫不歎息。後二氏結婚。姻焉。可見濟人即自濟也。

元和施李子澄。性至孝。父病目翳。以舌舐之。二十日盡去。目復明。母病痢。五月不止。割臂肉和藥。以進。病立起。母思食梨。時尚未有。忽來一老嫗遺之。澄上有三兒。伯早卒。仲叔常客遊。澄奉父母。索逋于東昌。一夕夢黃衣老人曰。爾父病亟。澄驚起。即刻束裝歸。至江口。陰雲四合。將有大風。舟人相戒無渡。澄涕泣叩頭。一老篙工哀其誠。渡之。中流舡幾覆。忽聞空中語云。謹護施孝子。厥後其孫文燾舉於鄉。請旌如制。

熙朝新語卷十六

清 吳郡徐錫齡厚卿輯

歙縣洪相生。梧。乾隆庚子。恭應 南巡召試。欽賜舉人。後中庚戌科進士。散館授職編修。嘉慶元年正月。太上皇帝授寶禮成。羣臣上表稱賀。翰苑諸臣各進詩賦詞章。俱蒙 睿賞。頌賚有差。桐生獨出機杼。敬撰 萬全全韻頌進呈。洋洋萬餘言。導揚 盛軌。無一膚泛語。聖心嘉悅。拜蟒袍文綺之 賜。是年冬。簡授山東沂州府知府。先是桐生之兄名樸。名榜者。俱以 召試邀 恩。歷官至知府。後先接踵。若合符節。亦見文人遭際之隆也。

嘉慶九年八月奉 上諭。朕兄成親王。自幼精專書法。深得古人用筆之意。博涉諸家。兼工各體。數十年來。臨池無間。近日朝臣文士之工書者。罕出其右。早應摹勒貞珉。俾廣流傳。而王撫謙自矢。不肯遽付鈎鐫。昨特命軍機大臣傳旨。諭令將平日所書各種。自行選擇刻石。始據王具摺陳謝。遵旨於回京後。覓工摹刻。著照所請。以貽晉齋名。顏其卷帙。王即繕朕此旨。勒冠簡端。以當製序。本日王所奏之摺。亦著另書一通。附刊於後。以誌一時翰墨欣賞之盛。欽此。王遵 旨。泐石壽世。藝林寶貴。珍若

球琳洵 熙朝盛事也

錢唐錢聲谷槐冠遊庠。屢困場屋。嘗祈夢于忠肅祠。夢忠肅示一紙。大書十六字。曰。尚早尚早。來不湊巧。若問功名。綠衣人小。醒而不樂。謂中期尚遠也。然綠衣句不解。所謂嘉慶甲子。潘芝軒司農。典浙江試。聲谷始領薦。年已六旬。謁見座主。詢及入學年歲。具以實對。潘拱手致敬曰。前輩前輩。是年家大人入學。某尚未生也。因悟夢兆之巧。此事與劉子壯夢出朱之粥房中相似。

嘉慶辛酉。鄆縣天后宮。紫橿花盛開。類牽牛。有小鳥翔鳴其間。丹喙金距。文彩徧體。形似鳳而小。羣鳥隨之。不可勝數。居人以得見為祥。不能比歲然也。石門顧輯五述。嘉慶乙丑三月。簡州徐刺史鼎。奉檄赴嘉定催銅。夜夢五人從東來。自稱行疫使者。將赴成都。問何時回去。曰。過年看龍燈方回。後徐回省。適見瘟疫流行。憶及所夢。告之總督。令府縣曉諭民間。以五月朔大張燈火。如元宵故事。自錦江門以達鹽市口。金鼓震地。燈火燭天。花炮煙火。徹夜不絕。各官復捐俸延僧道。設壇誦經。如是者五日。時疫遂平。豈厲鬼亦可以術紿之耶。或曰。是良有司痼瘼在抱。足以感嘉祥而消沴氣也。

播州老瀛山之白瀛觀。志稱老君修煉於此。山門前石梯百餘級。水經石竇中淙淙可聽。崖上鐫梯步鳴琴四大字。筆力蒼勁。山門之左瀑布千尺。從崖瀉下。彷彿廬山面目。觀之南兩峯夾峙。處跨以石橋。勢若飛虹。下臨絕壑。名曰飛仙橋。橋南石筍一株。峻削直上。石下一洞。內供大士像。題曰卧雲枕月。石筍稍南。有王井焉。甃以白石。覆以松檜。相傳飲此者多壽。碁盤崖石几石椅。狀皆極肖。遠望之如懸峭壁間。崖路一綫。猱援而上。山上異景頗多。不能殫述。其最奇者。莫如香碑。削壁萬仞。崖際忽吐一石。如舌形。大似三間屋。圍以石楠。香碑嵌石壁上。字類古篆文。糝糊不甚可辨。遊人以絹拭之。攜歸。其香經月不散。從玉井左轉。以鐵鍊承木架浮梁。以達香碑。余於甲子春。過播州。遊白瀛觀。見一老道士。類百餘歲人。操秦音。喜著高脚木屐。其行甚捷。問其年。笑而不答。或曰。明季避流寇時。即居此。國初時。尚與鄉先生賦詩贈答。年來益與世俗相遠。觀中住持。即其徒孫。年亦九旬矣。蓋道士皆飲玉井泉者。故多壽云。

邛州火井槽。產鹽而乏柴草。竈戶全賴井火以煎熬。色類螢火。以猪尿胞吸其氣。能攜之遠方。用大鍼刺一孔。以火蒸之。即然。光大如豆。終夜不滅。余過邛州時。曾親試之。

余幼時讀莊子。北溟有魚。其名爲鯤。化而爲鵬。其翼若垂天之雲。以爲莊叟寓言。未必實有是物也。後閱南匯縣志載。國初時有大魚過海口。其高如山。蠕蠕而行。過七晝夜始盡。終未見其首尾。嘉慶甲子。山東登州府蓬萊縣濱海處。一日忽有大鳥從空飛過。兩翼垂天。晝爲之暝。城內外人觀者億萬。咸恐懼羅拜。逾時始不見。豈卽莊子所謂鯤鵬耶。

嘉慶丙子十月。江蘇海州據報沿海有大魚一頭。兩目已剝去。計長三十六丈。自背脊至腹。高七丈有餘。居民咸燻食之。其肪甚厚。腥不可聞。較諸南匯縣志所載。渺乎小矣。

嘉慶丁巳。南康謝蘊山啟昆。爲浙江布政使。闢署中園屋。得永平磚八塊。大喜。以爲晉惠帝時物。遂名此室曰八磚書舫。賦詩紀之。一時和者百餘人。或以爲明永平廠所造。非晉磚也。方伯曰。區區瓦礫。何足深究。嘗見鑿古家。每得一物。斷斷聚訟。甚至穿鑿附會。何不如方伯之見超也。

無錫唐孝女。素有至性。慕北宮女之為人。居惠山之麓。賣書畫以養父母。至老不字。士大夫重其人。往往函金購尺幘。視若奇珍。嘉慶初。邑紳請於有司。詳題得旌。

典聞今尚健在。年近七十矣。

長洲張孝女壽姑。居澣墅關。有殊色。尤精女工。髫年喪母。其父為之擇壻。某喜狹邪。遊染惡瘡。潰爛無人理。舅姑不得已。央原媒退婚。女父本窶。人心竊喜。蓋關部丁胥艷女。久爭欲聘之。千金可立致也。女持不可。曰。兒一人。寧字兩姓耶。父曰。吾小家何所忌。女曰。家有大小。禮無大小也。兒願終身事父。十指足以供甘旨矣。父憫而從之。後父病。奉侍四十餘日。目盡腫。夜禱天。願以身代。剗臂肉以進。病良已。閱三年。父又病。奉侍顛禱如昔。仍剗肉以進。愈匝月而歿。女出衣飾。盡粥之以治喪。與既葬。歸。自沈於宅後尤家湖。時六月盛暑。殮之日。面色如生。異香噴溢。閭里咸為歎息。嘉慶甲戌。得旌如制。

嘉慶甲戌春。潞河白洗馬鎔。督學安徽。幕士吳秋舫潮。訪知青陽徐孝子事。聞於使者。使者曰。表微勵俗。余之責也。按試日。詢諸生。皆曰。信。遂表其廬曰。至性感人。并為之傳。其略云。孝子姓徐氏。名守仁。世業農。孝子四歲而孤。未嘗讀書。事母孝。晨昏視問。悉如禮。為人傭。得值。則市酒肉歸奉母。母呼孝子共食。輒以持齋謝。益不忍分其甘也。母年七十六而終。孝子哀慕若孺子。既葬。孝子露處墓側。號泣十餘日。蛇虺附

體不顧也。鄉人憐而為之廬。且飲食之。孝子乃並奉其父木主以居。有弔問者。鋸楮外悉不受。既免喪。或勸之歸。孝子曰。必俟母過八十壽而後歸。於是守墓凡四十有二月。歸時。則鬢髮垂一尺許矣。使者聞而歎曰。吾人自束髮受書。少而負笈。長而服官。大抵奉親之日少。而違親之日多。及抱恨終天。又或牽於塵累。求如孝子之盡禮者。終不可得。乃致父母有富貴子。不如有貧賤子。可勝痛哉。

崑山徐孝子者。較其名。大司寇乾學之元孫也。父某為邑諸生。放誕不善治生。家貲蕩然。生徒亦散盡。孝子年十三。學未竟。即為縣胥鈔寫。得值以奉父母。父故嗜酒。每飯無三爵。不能舉箸。孝子力不給。貫於肆。久之不能償。恐市僧之怒之也。日過肆中。學柳敬亭。抵掌談三國隋唐演義。聲色俱肖。市人悅之。竟不問酒值。已而遂伴狂歌唱。藉此易酒肉。甘旨幸無闕。父歿。母病。孝子又苦目眚。不能作書。居然抱絃索。彈盲詞。以為故業矣。崑邑於雍正十年。分設新縣。曰新陽。另建城隍廟於城東之羅漢橋。即葉文敏家半繭園故址也。孝子每日歌於斯。聽者雲集。日將午。輒告歸。強留之。則泣下。眾異之。或尾之去。則以所得金錢。市飲膳歸。母食已餒。而後復來。率以為常。或詢其家世。則偽為聾狀態。憨笑而已。蓋以操術既卑。不欲污先人門閥也。其母死。孝子

遂不見。或曰：自沈於河矣。衆呼之曰：徐癡。嗚呼！是真癡也耶？是孝子也。亟書之。以寤世之不癡而癡者。

嘉慶庚申。恩科。浙江解元崔懋駟。嘉興人。江南解元崔錫華。荆溪人。係近族分居。占籍兩省。同時領解首。次年辛酉正科。江南解元崔暄。即錫華一家。同族兩科三解元。古所未有。

山東諸城劉沁芳。尚書祖母顏太夫人。前相國文正公之繼配。文清公之母也。嘉慶辛未。尚書督學江南。迎養太夫人於江陰使署。值太夫人九十誕辰。文清公恭奉恩命。前赴江南為母介壽。天章炳耀。錫予便蕃。朝野榮之。公卿大夫。各有嘏辭。聯句贈行。記其一聯云：帝祝期頤。舉朝祝期頤。合三代之門生。亦共祝期頤。八座恩榮。昭海內。夫為宰相。哲嗣為宰相。備六官之文孫。又將為宰相。九旬福曜。蔭江南。一時傳誦。洵古今所罕有也。

嘉慶丁巳。忻州崔酉山。映辰。令山東蘭山。時署中有老民池姓者。擔水夫也。相傳自康熙間。受雇供役。其時年已四旬。生平無所嗜好。亦未有室家。所得傭值。輒分給其曹偶。人咸昵之。歷任縣令。亦知其愿且勤。令督率諸夫儼然。頤指氣使。不徒恃力作。

矣。乾隆三十年。年逾九十。循例宜邀粟帛之賜。令欲為之請。池堅辭曰。小人薄福。相天特予之壽。幸矣。一旦謬膺恩錫。恐折將來壽算。盍少留之以繇未盡之年乎。令韙其言。事遂寢。至是酉山為之詳請題咨蒙賞六品頂帶。時年一百二十六歲。余在蘭山。親見其人。體癯而神清。聲啾啾如嬰兒。隆冬常科首。汗氣蒸蒸上騰。庶幾其能葆真者。

四川松茂河水湍急。力如勁弩。不宜舟楫。乃施石柱於兩岸。繩亘其中。上繫木箒。其名曰橦。欲渡者以繩自縛於橦。兩手緣索而進。即至彼岸。復自解之。嘉慶甲子。蜀人張遠峯言其曾祖某。弱冠時過此河。縛甫竟。輒解身已離橦。瞑眩欲墮。恍惚中似有人為之維繫。又從而推挽之者。因得渡。後生八子二十孫。及見曾孫十一人而歿。壽八十有九。諺云。大難不死。必有大福。不其然乎。

嘉慶庚午四月。高郵州西門外臨湖石隄傾圮。河帥委員修築。有州署幕友夏友香者。督工役往來於隄上。日將暮矣。忽見湖中城市顯然。林木繁茂。斷岸一帶。小橋亘之。橋旁有斥堠列柵。拒馬咸備。橋上有人持破傘。作迎風急走勢。而柳陰之下。二驢齧噬於其間。其時落日沉山。暮霞四起。適當湖中城門隙處。金碧萬道。沿隄水紋如

穀與夕陽相激蕩。光怪陸離。不可名狀。城中炊烟縷縷。人影憧憧。傑閣嵯峨。浮圖高聳。鐘聲如在耳也。晚風乍起。而所謂城市林木橋亭斥堠者。漸淡漸遠。然已數刻矣。嘗聞山東登州萊州有海市。四川青城錦城有山市。今高郵更有湖市。亦奇觀也。長洲蔣竹浦封翁。以厚德推重鄉里。督課子姪。期望甚殷。嘉慶戊午八月初八日。封翁長子雲篁名泰階。赴秋闈。封翁詣關帝廟祈籤。得四句云。萬人叢裡逞英豪。便欲飛騰霄漢高。爭奈承流風未便。青燈黃卷且勤勞。是科雲篁中式第四名。首句之驗。乙巳捷南宮入薇省。次句之驗。中間三薦春闈。一取謄錄。一挑教職。三四句之驗。雲篁座師。為萬和園侍郎。名承風。姓名悉見于籤。尤奇。

嘉慶戊辰七月望日。蔣竹浦封翁詣關帝廟祈籤。首句羨君兄弟好名聲。末句巍巍科甲兩同登。是科鄉試。封翁仲子琴史名慶均。與堂弟萇汀名庭芝同榜。閱六年。甲戌會試。琴史又與堂兄建堂名元封同榜。甲戌殿試前。封翁詣呂祖廟祈籤。有衣冠身惹御爐香之句。琴史果館選。又琴史公車至都。在正陽門關帝廟求籤。有彼此懷疑不相信之句。果以提塘報條錯悞。家中遲報十日。又琴史祈籤。有堂堂快樂未渠央之句。時封翁母陳太恭人尚在堂。親見兩孫聯登館閣。一時稱為盛事。

封翁宅在郡城西花橋巷之東。巷西有張氏旗杆。年久潰爛倒地。嘉慶癸酉秋大雨。積潦盈尺。旗杆順流。浮抵蔣氏門首而止。明年。琴史入翰林。蓋已為之兆矣。

嶺西藍祥善繪事。年一百四十四歲。猶能畫大幅人物。嘉慶初。恩賜六品頂帶。壬申年。錢唐梁侍講同書。得其所畫壽星一幅。為之題識泐石。時梁亦年至九十矣。國琛人瑞。此之謂與。

吳縣城西北有桃花塢。方志稱為宋樞密章綽別業。唐解元寅築居於此。有夢墨亭。有祠祀六如居士。及祝京兆允明文。待詔徵明。天啟時。楊端孝大滯。改為準提庵。

國初。宋中丞肇重加修葺。增建才子亭。百數十年來。行就潰廢。嘉慶六年。善化唐觀察仲冕知吳縣事。因拓庵東別室。移祀唐祝文三君像。顏其室曰桃花仙館。且訪得六如居士墓。在胥門外橫塘王家村。封植而題識焉。并賦七律八首。一時和者如雲。不可勝記。記其原唱云。綺羅絃管總成塵。一種才華閱世新。縱酒地為澆酒地。看花人是種花人。可憐謝客無遺宅。何必逋仙有後身。燕麥兔葵芟別盡。絳桃依舊占芳春。第一風流自愛名。佯狂獨得聖之清。奏書不遂嚴夫子。搥鼓真同禰正平。半偈悟禪空。電逝小樓讀畫尚花明。饒他文酒求餘韻。三百年來識此生。吾宗衡後數尤奇。

牢落悲深曠代知。司馬青衫同灑淚。尚書紅杏舊題詞。謂宋商邱中丞銜碑土近要離冢。拾翠

人歸短簿祠。千古英豪齊下馬。沈傳華胄備官司。荒烟蔓草賸寒燈。仙館重開問寺僧。

五十步分樵采路。三千界埽辟支乘。乞花好句留楹帖。近得居士真蹟一聯刻之祠楹夢墨遺編付

剡藤。表墓式間吾豈敢。名流好事寫韓陵。白玉樓成隔兩塵。水村山郭幾番新。未知

若箇眠雲處。想見當年荷鋤人。蘭若舊藏題後碣。菰蘆雅稱夢中身。橫塘十里秋聲

館。合與芳園一例春。荒邱冥漠不書名。訪到山橋澗水清。指點青燐孤月出。侵尋黃

壤亂雲平。一杯馬鬣新封大。三尺雞碑小記明。過客莫歌萬里曲。早歸兜率悟無生。

菱芡重重鼎俎奇。橫阡設祭暮雅知。唐風刺有毛萇傳。楚些曾無宋玉詞。崇禎甲申毛子晉嘗

封表之。置墓田丙舍。紀以碑。今蕩然無存。惜商邱中丞未曾識及。地以滄桑沈斷楚。人於伏臘走叢祠。秋來雁稅從

新占。憑仗村翁社媪司。文人慧業照元燈。墓前碑仍題明唐解元煙穗前生記老僧。花隴吟樽

延客賞。石湖釣艇沛吾乘。城開更注十年漆。松茂長拳百尺藤。疑冢卻嗤銅雀伎。空

教賣履望西陵。

新進士釋褐後。謁國子師。大司成例得坐受。無少遜。且當新貴展拜時。戒不得動。若

頭動。則於一甲第一名不利。左右手動。則於一甲二三名不利。俗說如此。然輒有奇

驗嘉慶辛未天門蔣丹林祥墀為祭酒。一甲一名蔣修撰立鋪。即祭酒子也。父子行此大典。莫不羨其遭際。有朝士贈詩云。回憶趨庭學禮時。國恩家慶喜難支。阿翁不敢撇髯笑。怪底郎君拜起遲。詩近諧亦佳話也。

蘇州府城東史家巷蔣氏有二第。門首俱豎旗杆。一為庸德堂。乾隆癸巳夏雷震旗杆木。明年甲午。肯菴明府基順天中式。乙未聯捷會魁。一為亦政堂。嘉慶丁巳除夕。鄰家祀神。爆竹火熱旗杆上。光燭通衢。明年戊午。雲萼主事泰塔中鄉魁。己巳科成進士。識者以為雷震火炎。皆文光騰上之徵也。

蘇州府城閭門外南濠之黃家巷。古名雁宕里。相傳都少卿讀書燈。即其地也。明時尚係近城曠地。烟戶甚稀。至國朝生齒日繁。人物殷富。閭閻且千。鱗次櫛比矣。巷內何姓。素稱積善。數十年來。耆瑞屢徵。天之所以待之者亦厚也。乾隆壬午。何厚齋名鱗之妻周氏。年八十八。以五世同堂。有司上其事於朝。得旌如制。乾隆壬寅。厚齋之子何墨畊。永鉅。年八十二。又以五世同堂。得旌典。至嘉慶丙寅。墨畊之子何勉耘。漣。八十四。又以五世同堂。請旌。邀恩賜八葉衍祥扁額。閭里榮之。祖孫相繼。三次以五世同堂得旌。世所罕有。

淮安太守趙公名璠。因公赴徐州。途次見推小車者。將客人行李。拋擲路旁。怒形於色。不願推送。客錯愕無所措。趙停車問之。車夫乃言曰。小人自徐州受雇。推送此客。行三日矣。尚不知其姓名。今日偶問及。知伊姓秦。小人姓岳。安能為仇家作僕御耶。趙大笑。因諭之曰。秦岳之仇。乃六百年前事。爾何憾於客耶。車夫乃悟。趙與之錢二千文。命仍送客往。此與皮匠殺秦檜事相類。真赤子之心也。

乾隆甲辰歲。潘樹庭世榮。與其弟芝軒世恩。同遊於庠。有梅溪居士者。為作棣萼聯芳圖以賀之。三十年來。芝軒官至尚書。樹庭以中書引疾歸里。嘉慶丁丑。樹庭兩子曾彥曾錡。亦同遊泮宮。居士又作紫薇雙照圖為贈。系以詩云。棣萼才名本出羣。一枝先發上蒼雲。惟君獨享山林福。不作人間出岫雲。三十年前事偶同。秀才原是舊家風。春來第一開心事。又見雙雙入泮宮。可添入玉堂佳話。

元和俞冠三濂。於乾隆戊寅年入學時。有白鶴翔於庭。咸以為瑞。至嘉慶丁丑。冠三年已八十。矍鑠異常。又見白鶴來翔。擬於戊寅秋應恩科鄉試。是冬循例。應得重遊泮宮。亦熙朝人瑞也。

熙朝新語卷十六終